



UNIVERSITÄTS-  
BIBLIOTHEK  
PADERBORN

**Ethica Symbolica E Fabularum Umbris In Veritatis Lucem  
Varia Ervditione Noviter evoluta**

**Pexenfelder, Michael**

**Monachii, 1675**

3. Homo lapis.

---

[urn:nbn:de:hbz:466:1-68709](#)

Providentia Numinis insigniter cordi esse; fluctuare illum quidem non-nunquam ingruentibus calamitatibus publicis, mergitamen atque dispergi minimè posse, Deo vires emergendi sufficiente, illūmque quasi manu supposta fulciente. Talis fuit Deucalion & Pyrrha, de quibus Poëta.

Non illo melior quisquam, nec amantior æqui  
Vir fuit, aut illâ reverentior ulla Deorum.

Ex :

Jupiter ut liquidis stagnare paludibus orbens  
Et superesse videt, de tot modò millibus unum,  
Et superesse videt, de tot modò millibus unam,  
Innocuos ambos, cultores numinis ambos.

Nimirum carebant omni vitio, & Deos sincerè colebant ambo. Ubì adverte, conjungi religionem cum innocentia, quæ sine illa constare non potest. Quem enim irreligiosum vidisti unquam benè moratum ac probum? Qui Deum non timet, homines timebit, & ab injuria inferenda temperabit? neutiquam.

II. (b) Hinc doceris Tellurem, communem omnium parentem, nemini erubescendam esse. Atque hoc est, quod Ethici *Cognitionem* sūt vocant. E terra genus dicit nobilis perinde ac ignobilis. Etsi videaris coelum pulsare vertice, memineris tamen te terræ filium esse. Ad rem facit, quod narrat Livius lib. I. Tarquinios Sexti Tarquinij Romanorum regis filios, Delphos esse profectos: consulentibus quis eorum regnaturus esset Romæ, oraculo vocem redditam, imperium summum habiturum, qui primus osculum tulerit matri. Responsum ipsis aliter interpretantibus, Junium Brutum, quem ludibrium verius, quam comitem (scitè enim stultitiam simularat) secum duxerant, veluti si prolapsus cecidisset, terram osculo contigisse. Factum eventu rei probatum est; nam cùm impotenter se gerendo Tarquinius cognomento *superbus*, omnium in se odium concitasset, Bruti maximè operâ, Româ expulsus est, & ab eo initium Romanæ libertatis factum.

III. (c) Rudes mortales, & religionis, cultusque deorum ignari cùm à Deucalione & Pyrrha ad virtutem ac pietatem informarentur, dicti sunt è lapidibus orti, atque in homines conversi. Nam quid aliud est homo iners, incultus, rudis, impolitus, indoctus, agrestis, rerum divinarum, bonarumque artium expers, quam lapis quidam, & inutile terræ pondus? Id Aristippus, insignis philosophus ostendit, quando interrogatus à quodam, quid boni filio suo allatura esset eruditio, respondit: si nihil aliud, hoc certè, quod in theatro lapis in lapide non iudebit. (b) *Cognitione* sūt. (c) *Homo lapis quis?*

IV.